



11. november 2009

Inatsisartut suleriaasiata § 36, imm. 1 naapertorlugu matumuuna imaattumik Naalakkersuisunut apeqqummik saqqummiussivunga:

**Naalakkersuisunut apeqqut:**

**Meeqquerivinni meeqqallu atuarfinni kinguaassiutitigut atornerlunneqartarnerup aalajangersimasumik ilinniartitsissutigineqartalernissaanut Naalakkersuisut qanoq isumaqarpat, taamaaliornikkut meeqqat ilisimaarilissammassuk, qanoq iliorunik meeralerisartut mittatilliisarnerat pinngitsoortissinnaanerlugu ?**  
( Inatsisartuni ilaasortaq Justus Hansen, Demokraterne)

**Tungavilersuut:**

2008-mi ukiakkut ataatsimiinnermi taamani inatsisartuni ilaasortaasoq Jens B. Frederiksen imatut nipilimmik siunnersuuteqarpoq:

**Meeqquerivinni meeqqallu atuarfinni kinguaassiutitigut atornerlunneqartarnerup aalajangersimasumik ilinniartitsissutigineqartalernissaanut Naalakkersuisut peqquneqarnissaannut siunnersuut taamaaliornikkut meeqqat ilisimaarilissammassuk, qanoq iliorunik meeralerisartut mittatilliisarnerat pinngitsoortissinnaanerlugu.**

Siunnersuut ilalernerqarpoq Demokraatinit, Inuit Ataqatigiinnit Kattusseqatigiinnillu kiisalu ATASSUT-ip ilaasortaasa ilaannik. Tamatuma kingorna siunnersuut ataatsimiititaliamut ingerlateqqinneqarpoq. Suli tassaniippoq upernaag inatsisartunut qinersisoqarnera pissutaalluni.

Taamaakkaluartoq Demokraatini suli isumaqarpugut, siunnersuut siunnersuutitsialaasoq, partiillu 2008-mi ukiakkut tapersiisut isumartik aalajangiusimappassuk, siunnersuut Inatsisartuni amerlanerussuteqartunit tapersersorneqartussaassaaq, saqqummiunneqaqqissagaluaruni.

Meeqqanik kinguaassiutitigut atornerluisarneq pisarpoq amerlanertigut, pinngitsaaliineq, naalakkisartitsineq, persuttaaneq imaluunniit qunusaarineq atoragit. Taamatut pineqartartut tassaakkajupput meeqqat inersimasunik tatigisaqarluinnartut, taamaattumillu meeralerisartut qarmaanerannit qaninniarnannillu pisariuminartartut. Amerlasuutigut meeqqat taamaattut immikkoortissinnaaneq ajorpaat asannittumik pissusilersorfigineqarneq aamma kinguaassiutitigut atornerlunneqarneq. Tamatumap killinga meeqqap aatsaat paasisarpaa, meeraq nammineq atoqateqarsinnaaleraangami.



Angajoqqaarpasuit meeqqatik perorsartarpaat, inersimasunut naalattussanngorlugit. Tamanna amerlanerpaatigut pitsaasuvoq, meeqqagulli inersimasunut ataqqinnittunngortinniartangaarsigit puigortarparput, inersimasoqartoq meeqqanut kusanaattuliorsinnaasunik. Taamaattumik pingaartorujussuvoq, meeqqat ilinniartinneqarnissaat, killit sumiinnerannik aammalu nammineq qanoq iliorsinnaanersut, inersimasut killissanik qaangiinaleraangata.

Tunngavilersuutigineqarpoq, kinguaassiutitigut atonerlunneqartarnerup ilinniartitsissutigineqartarnera ingerlanneqareersoq inuttut ineriartorneq pillugu ilinniartitsineq aqcutigalugu. Atuartitsissummi tassani ilaatigut pineqartarput "Asanninneq, isumassuineq aamma atoqatigiinneq" tassunga ilaavoq aamma kinguaassiutitigut atonerlunneqartarnek (Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaat nr. 16. 24. Juni 2003-meersoq). Kinguaassititigut atonerlunneqartarnerup ilinniartitsissutigineqartarnerup pillugu Demokraatinut pingaaruteqarpoq, aalajangiisartutut qulakkiissagatsigu, naluaarutip nr. 16.-p 24. Juni 2003-meersup tunngavii siunertaalu atuarfinni tamani klassinilu tamani atuartitsissutigineqartarnissaat, taamaaliornikkut Kalaallit Nunaanni meeqqat tamarmik pineqartunut ilinniartinneqarsimanissaat qulakkeerumallugu. Aamma isumaqarpugut, atualeqqaaninngaanniit ilinniartitsineq aallartittariaqartoq, kinguaassititigut atonerluinerup killinga ukiumik titarneqanngimmat.

Apeqqut ullut nalinnaasumik sulliviit qulit qaangiutsinnagit akeqquneqarpoq.